

## OKVIRNI SPORAZUM – “NABAVKA TEČNIH GORIVA”

Broj: 01-11-4-1379-11/25  
Sarajevo, 25.08.2025.godine

Na osnovu člana 69. stav (2). tačka d) i člana 70. stav (1). Zakona o javnim nabavkama („Službeni glasnik BiH” broj: 39/14, 59/22 i 50/24), a na Preporuku Komisije za javnu nabavku imenovane Rješenjem broj: 01-11-4-1379-1/25 od 18.07.2025.godine, u Otvorenom postupku javne nabavke roba – tečnih goriva za motorna vozila za potrebe Federalnog ministarstva raseljenih osoba i izbjeglica, sa zaključenjem Okvirnog sporazuma, federalni ministar **donosi**

### O D L U K U O IZBORU NAJPOVOLJNIJEG PONUĐAČA

#### Član 1.

Prihvata se Preporuka Komisije za javne nabavke, broj: 01-11-4-1379-10/25, kojom se predlaže da se, u cilju odabira najpovoljnijeg ponuđača po otvorenom postupku javne nabavke roba – tečnih goriva za motorna vozila za potrebe Federalnog ministarstva raseljenih osoba i izbjeglica, ugovor o javnoj nabavci dodijeli Grupi ponuđača: HOLDINA d.o.o Sarajevo i ENERGOPETROL d.d. Sarajevo, sa sjedištem u ul. Azize Šaćirbegović 4b, Sarajevo 71000, Bosna i Hercegovina, kao ponuđaču sa najpovoljnijom i prihvatljivom ponudom broj: 012/40005515/17-07-25/421 od 07.08.2025. godine, po ukupnoj cijeni od 125.388,90 KM slovima: (stodvadesetpethiljadatristoosamdeset osam i 90/100 KM), (sa PDV-om).

#### Član 2.

Prijedlog ugovora o nabavci dostavit će se na potpis izabranom ponuđaču HOLDINA d.o.o Sarajevo i ENERGOPETROL d.d. Sarajevo, po isteku roka od deset (10) dana, računajući od dana kada je ponuđač obaviješten o rezultatima postupka.

#### Član 3.

Kandidat/ponuđač kojem je dodijeljen ugovor obavezan je dostaviti dokaze o kvalifikaciji, odnosno originale ili ovjerene kopije dokumentacije iz člana 45. stav (1) tačke a) do d) Zakona o javnim nabavkama („Službeni glasnik BiH”, broj: 39/14, 59/22 i 50/24), navedene u Prilogu 4. tenderske dokumentacije, u roku od tri (3) dana.

Rok od tri (3) dana počinje teći od dana prijema ili preuzimanja Odluke o izboru najpovoljnijeg ponuđača.

#### Član 4.

Ova Odluka objavit će se na web-stranici Ugovornog organa ([www.fmroi.gov.ba](http://www.fmroi.gov.ba)) istovremeno sa upućivanjem obavještenja ponuđačima o rezultatima postupka, u skladu sa članom 70. stav 6. Zakona o javnim nabavkama.

#### Član 5.

Ova odluka stupa na snagu danom donošenja.

## Obrazloženje

Otvoreni postupak javne nabavke roba – tečnih goriva za motorna vozila za potrebe Federalnog ministarstva raseljenih osoba i izbjeglica, pokrenut je Odlukom o pokretanju postupka javne nabavke broj: 01-11-4-1379/25 od 18.07.2025.godine.

Procijenjena vrijednost javne nabavke iznosi 110.000,00 KM (bez PDV-a).

Kriterij za dodjelu ugovora bio je najniža cijena.

Obavještenje o nabavci, broj: 668-1-1-75-3-37/25, objavljeno je na Portalu javnih nabavki ([www.ejn.gov.ba](http://www.ejn.gov.ba)) dana 18.07.2025. godine

Komisija za javnu nabavku, imenovana Rješenjem Ugovornog organa broj: 01-11-4-1379-1/25 od 18.07.2025. godine, dostavila je Zapisnik o pregledu i ocjeni ponuda broj: 01-11-4-1379-9/25, odgovornoj osobi Ugovornog organa.

U Zapisniku o pregledu i ocjeni ponuda utvrđeno je da je Komisija, u skladu sa Zakonom, blagovremeno i pravilno izvršila otvaranje dostavljenih ponuda i njihovu ocjenu, o čemu je sačinjen odgovarajući Zapisnik, u kojem su utvrđene sljedeće činjenice:

U tabeli br. 1, u skladu sa provedenim postupkom iz člana 1. ove Odluke, svoje ponude dostavili su slijedeći ponuđači:

RB	Naziv ponuđača	Datum i vrijeme zaprimanja ponude	Ukupna cijena ponude sa popustom na javnom otvaranju u KM (bez PDV-a)
1.	HIFA-PETROL d.o.o Sarajevo	07.08.2025.god u 08:45 h	108.460,00 KM
2.	Grupa ponuđača: HOLDINA d.o.o Sarajevo i ENERGOPETROL d.d. Sarajevo	11.08.2025.god u 09:10 h	112.970,00 KM

Konstatovano je:

- da je ukupno dostavljeno dvije (2) ponude,
- da su blagovremeno zaprimljene,
- da nije bilo neblagovremeno zaprimljenih ponuda,
- da dostavljene ponude u postupku nabavke ispunjavaju formalno-pravne uslove u skladu sa Zakonom o javnim nabavkama i odredbama tenderske dokumentacije Ugovornog organa.

Svi članovi Komisije sa pravom glasa koristili su tabelu za tehničku evaluaciju kako bi procijenili ispunjenost tehničkih uslova propisanih tenderskom dokumentacijom u okviru ponuda koje su ispunjavale formalne uslove.

U procesu tehničke evaluacije ponuda, na osnovu uslova i zahtjeva iz tenderske dokumentacije vezanih za oblik, sadržaj i potpunost ponude, utvrđeno je da dostavljene ponude ispunjavaju tehničke uslove date u tenderskoj dokumentaciji.

- U tabeli br. 2 dat je pregled i izvršeno je rangiranje prihvatljivih ponuda prema kriterijumu za izbor ponude „najniža cijena“, kako slijedi:

RB	Naziv ponuđača	Cijena iz obrasca ponude bez popusta i bez PDV-a, nakon računске kontrole	Popust	Ponuđena cijena (sa popustom i bez PDV-a)
1.	Grupa ponuđača: HOLDINA d.o.o Sarajevo i ENERGOPETROL d.d. Sarajevo	112.970,00 KM	5.800,00 KM	<b>107.170,00 KM</b>
2.	HIFA-PETROL d.o.o Sarajevo	108.460,00 KM	0,00 KM	<b>108.460,00 KM</b>

S obzirom na to da je za predmetni postupak predviđeno provođenje e-aukcije, ista je provedena u skladu s odredbama Pravilnika o uslovima i načinu korištenja e-aukcije („Službeni glasnik BiH“, broj 80/23).

#### TOK E-aukcije

- Period trajanja e-Aukcije
- Početak: 14.8.2025. 10:30:00
- Završetak: 14.8.2025. 10:40:00.

- U tabeli br. 3 dat je pregled Konačna rang lista ponuđača koji su učestvovali u e-aukciji:

Rbr	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	<b>Grupa ponuđača: HOLDINA d.o.o Sarajevo i ENERGOPETROL d.d. Sarajevo</b>	4200068200001	<b>107.170,00 KM</b>	0,00%	1
2.	<b>HIFA-PETROL d.o.o Sarajevo</b>	4200999090005	<b>108.460,00 KM</b>	0,00%	2

\*\* Označava približnu vrijednost procentualnog umanjenja nakon zaokruživanja na dvije decimale

Nakon izvršene ocjene ponuda i provedene e-aukcije, Komisija za javnu nabavku, uz Zapisnik o pregledu i ocjeni ponuda broj: 01-11-4-1379-9/25, dala je Preporuku za prihvatanje ponude i donošenje Odluke o izboru najpovoljnijeg ponuđača broj: 01-11-4-1379-10/25, za dodjelu ugovora Grupi ponuđača: HOLDINA d.o.o Sarajevo i ENERGOPETROL d.d. Sarajevo, sa sjedištem u ul. Azize Šaćirbegović 4b, Sarajevo 71000, Bosna i Hercegovina.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, kao i ocjenu pristiglih ponuda, u skladu sa Zakonom o javnim nabavkama („Službeni glasnik BiH“, broj: 39/14, 59/22 i 50/24) i kriterijima iz tenderske dokumentacije.

Uzimajući u obzir navedeno, primjenom člana 64. stav (1) tačka b) Zakona o javnim nabavkama („Službeni glasnik BiH“, broj: 39/14, 59/22 i 50/24), odlučeno je kao u članu 1. ove Odluke.

Po okončanju roka za žalbu, ugovorni organ će pozvati odabranog ponuđača na zaključenje ugovora kojim će se regulisati međusobna prava i obaveze vezane za predmetnu nabavku, shodno nacrtu ugovora datom u tenderskoj dokumentaciji.

#### **POUKA O PRAVNOM LIJEKU:**

Protiv ove Odluke svaki ponuđač koji je učestvovao u postupku nabavke može izjaviti žalbu u roku od deset (10) dana od dana prijema ove Odluke.

Žalba se izjavljuje Uredu za razmatranje žalbi Bosne i Hercegovine putem ugovornog organa Federalnog ministarstva raseljenih osoba i izbjeglica, u pisanoj formi, direktno ili preporučenom poštanskom pošiljkom na adresu ugovornog organa.

Žalba se podnosi u najmanje tri (3) primjerka.

**MINISTAR**

Nerin Dizdar

Dostaviti:

- Svim učesnicima u postupku
- Web stranica Ministarstva
- Dokumentacija Komisije
- a/a